



# SLUŽBENE NOVINE OPĆINE GORAŽDE

Godina I

14. august 2008. godine  
GORAŽDE

Broj 3

016

Na osnovu člana 18. i člana 84. Statuta Općine Goražde („Službene novine Bosansko-podrinjskog kantona Goražde“ broj: 13/07), Općinsko Vijeće Općine Goražde, na 54. redovnoj sjednici, održanoj dana 30.07.2008. godine, **d o n o s i:**

## O D L U K U

o izmjeni Odluke o usvajanju Programa utroška novčanih sredstava planiranih u Budžetu Općine Goražde za 2008. godinu na poziciji Izdaci za vojne invalide, ranjene borce i porodice poginulih boraca (boračke populacije) – ekonomski kod 614-232

### Član 1.

Ovom Odlukom mijenja se Odluka o usvajanju Programa utroška novčanih sredstava Općine Goražde sa ekonomskog koda 614-232 – Izdaci za vojne invalide, ranjene borce i članove porodica poginulih boraca (boračke populacije) usvojenog Odlukom Općinskog vijeća br.01-02-937/08 („Službene novine Bosansko-podrinjskog kantona Goražde“ broj: 4/08) u planu raspodjele sredstava tako da se planirana sredstva Općine Goražde za 2008. godinu u iznosu od 230.000,00 KM raspodjeljuju:

1. 100.000,00 KM - sufinansiranje zahtjeva i projekata koji se odnose na rješavanje

stambenih pitanja lica iz reda boračkih populacija.

2. 13.000,00 KM - sufinansiranje projekata udruženja kojim se doprinosi razvoju i afirmaciji udruženja i njihovih članova u oblasti sportskih, kulturnih i drugih oblika saradnje.

3. 40.000,00 KM – sufinansiranje rada i aktivnosti udruženja i to:

- 11.000,00 KM za sufinansiranje rada Saveza RVI „Sinovi Drine“;

- 11.000,00 KM za sufinansiranje rada Organizacije PP i PŠ;

- 10.000,00 KM za sufinansiranje rada Udruženja demobilisanih boraca;

- 8.000,00 KM za sufinansiranje rada Saveza dobitnika najvećih ratnih priznanja.

4. 20.000,00 KM - obilježavanje značajnih datuma, mjesta, ličnosti i događaja.

5. 20.000,00 KM - na ime jednokratnih novčanih pomoći za liječenje i nabavku lijekova.

6. 10.000,00 KM - nepredviđeni troškovi.

7. 20.000,00 KM - učešće u finansiranju projekata za podršku upošljavanja i održavanja radnih mjesta invalidnih lica (sredstva će se obezbijediti sa ekonomskog koda 614 124 – edukacija mladih)–

8. 27.000,00 KM - učešće u sufinansiranju izgradnje monumentalno-ambijentalnog spomenika „Čuvari Bosne“ u Omladinskoj ulici.

**Član 2.**

Ova Odluka stupa na snagu osam dana od dana objavljivanja u „Službenim novinama Općine Goražde“.

Broj: 01-02-3502  
Goražde, 31.07.2008. godine

**PREDSJEDAVALJUĆI VIJEĆA**  
**Smajo Baščelija, dipl.ing.maš.**

**017**

Na osnovu člana 180. i člana 184. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj: 39/03 i 22/06), Odluke o uvjetima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća ("Službene novine Federacije BiH", broj: 46/05 i 61/07) i člana 84. Statuta Općine Goražde – ("Službene novine Bosansko-podrinjskog kantona Goražde", broj: 13/07), Općinsko vijeće Općine Goražde, na 54. redovnoj sjednici, održanoj dana 30.07. 2008. godine, donosi:

**ODLUKU**

**o davanju saglasnosti na Program  
utroška sredstava iz Budžeta Općine  
Goražde za 2008. godinu, sa ekonomskog  
koda 821 383 – Nabavka opreme za CZ**

**Član 1.**

Daje se saglasnost na Program utroška sredstava iz Budžeta Općine Goražde za 2008. godinu, sa ekonomskog koda 821 383 u ukupnom iznosu 77.000,00 KM.

**Član 2.**

Program iz člana 1. ove Odluke sastavni je dio ove Odluke.

**Član 3.**

Za provedbu ove Odluke zadužuje se Služba civilne zaštite Općine Goražde.

**Član 4.**

O utrošku sredstava iz člana 1. ove Odluke Služba za civilnu zaštitu će izvještavati Općinsko vijeće.

**Član 5.**

Ova Odluka stupa na snagu osam dana od dana objavljivanja u "Službenim novinama Općine Goražde".

Broj: 01-02-3501  
Goražde, 31.07.2008. godine

**PREDSJEDAVALJUĆI VIJEĆA**  
**Smajo Baščelija, dipl.ing.maš.**

**018**

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine F BiH” broj: 49/06) i člana 18. Statuta Općine Goražde ("Službene novine Bosansko-podrinjskog Kantona Goražde" broj: 13/07), Općinsko vijeće Općine Goražde na 54. redovnoj sjednici, održanoj dana 30.07.2008.godine, donosi:

**O D L U K U**

**o prihvatanju ponuda građana Mjesne zajednice Bogušići**

**Član 1.**

Prihvataju se ponude za kupovinu zemljišta od građana Mjesne zajednice Bogušići (Tanjo Vahida, Tanjo Selima, Tanjo Zahida, Kavazović Senada i Jamaković Jusufa, Jamaković Ramiza, Jamaković Rasima, Jamaković Kasima,

Jamaković Izeta i Jamaković Edhema) za sportsko igralište kod osnovne škole u Bogušićima, i to:

- k.č. 5796, zvano Orašac, po kulturi voćnjak I klase u površini od 701 m<sup>2</sup>, upisano u Pl. broj 784/02, KO Berič, upisano na ime Tanjo Adila Vahid sa 1/1 dijela, po cijeni od 7,50 KM po 1 m<sup>2</sup>,
- k.č. 5791, k.č. 5792, zvano Orašac, po kulturi livada I klase i voćnjak I klase, u ukupnoj površini od 1512 m<sup>2</sup>, upisano u Pl. broj 822/01, KO Berič, upisano na ime Tanjo Husa Selim sa 1/1 dijela, po cijeni od 7,50 KM po 1 m<sup>2</sup>,
- k.č. 5795, zvano Orašac, po kulturi voćnjak I klase u površini od 596 m<sup>2</sup>, upisano u Pl. broj 831/01, KO Berič, upisano na ime Tanjo Murata Zahid sa 1/1 dijela, po cijeni od 7,50 KM po 1 m<sup>2</sup>,
- k.č. 5793, zvano Orašac, po kulturi voćnjak I klase u površini od 351 m<sup>2</sup>, upisano u Pl. broj 438/05, KO Berič, upisano na ime Kavazović Redža Senad sa 1/1 dijela, po cijeni od 7,50 KM po 1 m<sup>2</sup>,
- k.č. 5794, zvano Orašac, po kulturi voćnjak I klase u površini od 976 m<sup>2</sup>, upisano u Pl. broj 387/03, KO Berič, upisano na ime Jamaković Omera Jusufa sa 1/6 dijela, Jamaković Omera Ramiza sa 1/6 dijela, Jamaković Omera Rasima sa 1/6 dijela, Jamaković Omera Kasima sa 1/6 dijela, Jamaković Omera Izeta sa 1/6 dijela, Jamaković Omera Edhema sa 1/6 dijela, po cijeni od 8,00 KM po 1 m<sup>2</sup>.

#### Član 2.

Kupovina zemljišta iz člana 1. Ove Odluke izvršit će se po cijeni od:

- Za k.č. 5796, zvano Orašac -- 5.257,50 KM (pet hiljada dvije stotine pedeset sedam i 1/2 konvertibilnih maraka),
- Za k.č. 5791, k.č. 5792, zvano Orašac - 11.340,00 KM (jedanaest hiljada tri stotine četrdeset konvertibilnih maraka),
- Za k.č. 5795, zvano Orašac - 4.470,00 KM (četiri hiljade četiri

stotine i sedamdeset konvertibilnih maraka),

- Za k.č. 5793, zvano Orašac, 2.632,50 KM, (dvije hiljade šest stotina trideset dvije i 1/2 konvertibilnih maraka),
- Za k.č. 5794, zvano Orašac, 7.808,00 KM, (sedam hiljada osam stotina i osam konvertibilnih maraka).

#### Član 3.

Novčana sredstva iz člana 2. ove Odluke obezbijedit će se iz Budžeta Općine Goražde za 2008. godinu, sa ekonomskog koda 821 111 (nabavka zemljišta).

#### Član 4.

Ovlašćuje se Načelnik Općine Goražde da zaključi kupoprodajne ugovore sa prodavcima, s tim što će Općina Goražde snositi troškove prenosa vlasništva.

#### Član 5.

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj: 01-02-3499

Goražde, 31.07.2008. godine

**PREDSJEDAVAJUĆI VIJEĆA**  
Smajo Baščelija, dipl.ing.maš.

#### 019

Na osnovu člana 8. i člana 13. Zakona o lokalnoj samoupravi („Službene novine Federacije BiH“, broj: 49/06) i člana 18. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće Općine Goražde, na 54. redovnoj sjednici, održanoj dana 30.07.2008. godine,  
d o n o s i:

**ODLUKU**

o dopunama Odluke o jedinstvenom načinu ustupanja, korištenja i zaštiti poslovnih prostorija i zgrada u vlasništvu Općine Goražde

**Član 1.**

U Odluci o jedinstvenom načinu ustupanja, korištenja i zaštiti poslovnih prostorija i zgrada u vlasništvu Općine Goražde („Službene novine Bosansko-podrinjskog kantona Goražde“, broj: 1/08), u članu 12. stav 1. iza tačke 4. dodaje se nova tačka 4a. koja glasi:

„Udruženjima građana čija je djelatnost zaštita invalidnih lica, djece i omladine“.

**Član 2.**

Ova Odluka stupa na snagu osam dana od dana objavljivanja u „Službenim novinama Općine Goražde“.

Broj: 01-02-3503  
Goražde, 31.07.2008. godine

**PREDSJEDAVAJUĆI VIJEĆA**  
Smajo Baščelija, dipl.ing.maš.

**020**

Na osnovu člana 18. Statuta Općine Goražde („Službene novine Bosansko-podrinjskog kantona Goražde“ broj: 13/07) i Odluke o usvajanju programa utroška novčanih sredstava prikupljenih od prodaje poslovnih prostora u vlasništvu Općine Goražde, utvrđivanju organa i postupaka dodjele kredita za podsticanje zapošljavanja („Službene novine Bosansko-podrinjskog kantona Goražde“ broj 02/00 i 16/06), Općinsko vijeće Općine Goražde, na 54. redovnoj sjednici, održanoj dana 30.07.2008. godine, **d o n o s i :**

**ODLUKU**

o dodjeli kreditnih sredstava „DOMUS“ d.o.o. Goražde iz „Namjenskog depozita Općine Goražde u cilju bržeg zapošljavanja ili zadržavanja postojećih radnih mjesta na području Općine Goražde“

**Član 1.**

Odobravaju se kreditna sredstva „DOMUS“ d.o.o. Goražde iz „Namjenskog depozita Općine Goražde u cilju bržeg zapošljavanja ili zadržavanja postojećih radnih mjesta na području Općine Goražde“ u iznosu od 40.000,00 KM pod sljedećim uvjetima:

- Rok otplate 60 mjeseci, od dana početka korištenja kreditnih sredstava,
- Kamatna stopa 3% godišnje, uz obračun i plaćanje mjesečno unazad, najkasnije do sedmog u mjesecu za protekli mjesec,
- Za dodijeljenih 40.000,00 KM korisnik kredita je obavezan uposliti pet radnika sa kojima zaključuje ugovor o radu i zadržati ih u radnom odnosu najmanje pet (5) godina.

**Član 2.**

Korisnik kreditnih sredstava, „DOMUS“ d.o.o. Goražde, se obavezuje da će Općini Goražde svakog drugog mjeseca dostavljati dokaze o uplati poreza i doprinosa na ime novouposlenih radnika pod uvjetima iz člana 1. ove Odluke i to obrazac specifikacije za isplatu plaća ovjeren od strane nadležne porezne uprave ili uvjerenje o uplatama poreza i doprinosa za svakog uposlenog radnika uz potpis uposlenog lica.

**Član 3.**

Za pokriće obaveza po osnovu izdatog kredita u skladu sa tačkom 1. ove Odluke, „DOMUS“ d.o.o. Goražde će obezbijediti:

- 2 žiranta prihvatljiva za Privrednu banku Sarajevo;
- sudsku hipoteku na nepokretnu imovinu.

#### Član 4.

„DOMUS“ d.o.o. Goražde je obavezno da sredstva dugoročnog kredita vraća u jednakim mjesečnim anuitetima na transakcioni račun broj: 101140000001617 do sedmog dana u mjesecu.

U slučaju docnje „DOMUS“ d.o.o. Goražde sa plaćanjem anuiteta, banka ima pravo da odobreni kredit proglasi promptno dospjelim i zatraži naplatu cjelokupnog kredita zajedno sa pripadajućim dospjelim kamatama i obračunatim naknadama i troškovima.

#### Član 5.

U slučaju nepoštivanja odredaba ove Odluke od strane „DOMUS“ d.o.o. Goražde, kredit se u tom momentu smatra u cjelosti dospjelim za naplatu i banka će poduzeti sve mjere za naplatu istog.

#### Član 6.

Rok za realizaciju kredita je 30 dana od dana objavljivanja ove Odluke u „Službenim novinama Općine Goražde“.

#### Član 7.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-3496  
Goražde, 31.07.2008. godine

**PREDSJEDAVAJUĆI VIJEĆA**  
Smajo Baščelija, dipl.ing.maš.

## 021

Na osnovu člana 11. i člana 84. Statuta Općine Goražde („Službene novine Bosansko-podrinjskog kantona Goražde“, broj: 13/07) i člana 184. stav 2. tačka 6. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03 i 22/06), Općinsko vijeće Općine Goražde, na 54. redovnoj sjednici, održanoj dana 30.07.2008. godine, donosi:

### ODLUKU

o odobravanju finansijskih sredstava za jednokratnu pomoć za sanaciju šteta na poljoprivrednim kulturama

#### Član 1.

Ovom Odlukom daje se saglasnost za jednokratnu pomoć za sanaciju šteta na poljoprivrednim kulturama nastalih usljed nevremena (grada), a koje su se desile dana 27.06. i 03.07.2008. godine na području mjesnih zajednica: Posestra, Bogušići, Berič, Vranići, Rešetnica i Osječani.

#### Član 2.

Iznos jednokratne pomoći je 100,00 KM po domaćinstvu koje je pretrpilo štetu na navedenom području.

#### Član 3.

Sredstva za realizaciju ove Odluke potrebno je obezbijediti na ekonomskom kodu 699998 - sredstva rezervi, u iznosu od 15.000,00KM (planirana u Budžetu za 2008.godinu) i na ekonomskom kodu 590000 (neraspoređeni višak prihoda nad rashodima), u iznosu od 20.000,00KM, a prema Odluci o rasporedu neraspoređenog viška prihoda nad rashodima iskazanog u Bilansu stanja na dan 31.12.2007. godine, broj: 01-02-2135, od 08.05.2008. godine („Službene novine Bosansko-podrinjskog kantona Goražde“ broj: 7/08).

**Član 4.**

Za realizaciju ove Odluke zadužuje se Služba za finansije, privredu i mjesne zajednice Općine Goražde.

**Član 5.**

Ova Odluka stupa na snagu osam dana od dana objavljivanja u „Službenim novinama Općine Goražde“.

Broj:01-02-3497  
Goražde, 31.07.2008.god.

**PREDSJEDAVAJUĆI VIJEĆA**  
Smajo Baščelija, dipl.ing.maš.

**022**

Na osnovu Odluke o izvršenju Budžeta Općine Goražde za 2008. godinu, broj: 01-02-590, („Službene novine Bosansko-podrinjskog kantona Goražde“, broj: 02/08), Općinsko vijeće Općine Goražde, na 54. redovnoj sjednici, održanoj dana 30.07.2008. godine,  
**d o n o s i:**

**ODLUKU**

**o usvajanju Programa utroška sredstava sa kriterijima raspodjele za „Podsticaj poljoprivrednoj proizvodnji“ na području općine Goražde u 2008. godini**

**Član 1.**

Ovom Odlukom daje se saglasnost na Program utroška sredstava sa kriterijima raspodjele za „Podsticaj poljoprivrednoj proizvodnji“ na području općine Goražde u 2008.godini.

**Član 2.**

Sredstva za realizaciju Programa iz člana 1. ove Odluke su planirana na ekonomskom kodu 614419 - Podsticaj poljoprivrednoj proizvodnji, u Budžetu Općine Goražde za 2008. godinu, („Službene novine Bosansko-podrinjskog kantona Goražde“, broj: 02/08).

**Član 3.**

Program iz člana 1. ove Odluke sastavni je dio ove Odluke.

**Član 4.**

Za realizaciju ove Odluke zadužuje se Služba za finansije, privredu i mjesne zajednice Općine Goražde.

**Član 5.**

Po usvajanju ove Odluke raspisat će se javni poziv sa upustvima za podnošenje zahtjeva (aplikacija) za realizaciju novčanih sredstava za „Podsticaj poljoprivrednoj proizvodnji“ na području općine Goražde u 2008.godini.

**Član 6.**

Ova Odluka stupa na snagu osam dana od dana objavljivanja u „Službenim novinama Općine Goražde“.

Broj: 01-02-3498  
Goražde, 31.07.2008.god.

**PREDSJEDAVAJUĆI VIJEĆA**  
Smajo Baščelija, dipl.ing.maš.

023

Na osnovu člana 18. i člana 84. Statuta Općine Goražde („Službene novine Bosansko-podrinjskog kantona Goražde“, broj: 13/07) i člana 1. Odluke o utvrđivanju javnih priznanja Općine Goražde („Službene novine Bosansko-podrinjskog kantona Goražde“, broj: 2/05 i 11/06), Općinsko vijeće Općine Goražde, na 54. redovnoj sjednici, održanoj dana 30.07.2008. godine, **d o n o s i :**

**ODLUKU**  
o dodjeli javnih priznanja Općine  
Goražde

**Član 1.**

Općina Goražde u 2008. godini dodijeljuje sljedeća javna priznanja:

1. do dva javna priznanja «POČASNI GRADANIN OPĆINE GORAŽDE»,
2. do pet javnih priznanja «ZLATNA PLAKETA OPĆINE GORAŽDE»,
3. do pet javnih priznanja «SREBRENA PLAKETA OPĆINE GORAŽDE».

**Član 2.**

Javno priznanje «POČASNI GRADANIN OPĆINE GORAŽDE» dodijeljuje se:

1. **VELJKU DROCI** – za izuzetan doprinos i zalaganje na unapređenju, očuvanju i zaštiti ljudskih prava kao i na zalaganju za razvoj demokratije, vjerske i etničke tolerancije;

Javno priznanje «ZLATNA PLAKETA OPĆINE GORAŽDE» dodijeljuje se:

1. **HAMIDU BAHTU** – za promovisanje i afirmaciju izuzetnih sportskih vrijednosti i rezultata;

Javno priznanje «SREBRENA PLAKETA OPĆINE GORAŽDE» dodijeljuje se:

1. **UDRUŽENJU OBOLJELIH OD KARCINOMA DOJKE I DRUGIH MALIGNIH OBOLJENJA „BISER“** – za pružanje moralne i socijalne podrške kao i podizanje nivoa preventivne zdravstvene zaštite oboljelih od carcinoma.

**Član 3.**

Dodjela navedenih priznanja obaviti će se na Dan Općine Goražde, 18. septembra 2008. godine.

**Član 4.**

Ova Odluka stupa na snagu osam dana od dana objavljivanja u “Službenim novinama Općine Goražde”.

Broj: 01-02- 3500  
Goražde, 31.07.2008. godine

**PREDSJEDAVAJUĆI VIJEĆA**  
Smajo Baščelija, dipl.ing.maš.

024

Na osnovu člana 3. stav 3. Zakona o komunalnim djelatnostima (“Službeni list SRBiH”, br. 20/90), koji je preuzet kao federalni zakon, člana 8. i 13. Zakona o principima lokalne samouprave u F BiH (“Službene novine F BiH”, br. 49/06) i člana 18. Statuta Općine Goražde (“Službene novine Bosansko-podrinjskog Kantona Goražde”, broj: 13/07), Općinsko vijeće Općine Goražde, na 3. vanrednoj sjednici, održanoj dana 05.08.2008. godine **d o n o s i :**

**ODLUKU**

o ustanovljavanju privremene gradske sanitarne deponije čvrstog komunalnog otpada za područje općine Goražde

**Član 1.**

Ovom Odlukom ustanovljava se privremena gradska sanitarna deponija čvrstog komunalnog otpada za područje općine Goražde.

**Član 2.**

Privremena gradska sanitarna deponija čvrstog komunalnog otpada ustanovljava se na lokaciji 2. u selu Trešnjica na parcelama označenim kao k.č. 3903, 3842, 3843, 3844, 3845, 3846, 3848, 3850, 3853/2, 3837, 3838, KO Podhranjen.

Konkretna površina i obuhvat bit će utvrđeni studijom o uticaju na okoliš i glavnim projektom za izgradnju sanitarne deponije.

**Član 3.**

Deponijom iz člana 2. ove Odluke upravljat će JKP „6. mart“ Goražde.

**Član 4.**

Obavezuju se Služba za prostorno uređenje i komunalne poslove i Služba za stambene, imovinsko-pravne poslove i pitanja izbjeglica i raseljenih lica, a u saradnji sa Ministarstvom za prostorno uređenje i zaštitu okoline Bosansko-podrinjskog kantona Goražde, da obezbijede punu proceduru u skladu sa zakonima i drugim propisima pribavljanja potrebnih saglasnosti, studija i odobrenja za izgradnju i uređenje predmetne deponije, kao i da pokrenu rješavanje imovinsko-pravnih odnosa na pribavljanju zemljišta za izgradnju deponije.

**Član 5.**

Na dijelu deponije iz člana 2. ove Odluke na k.č. 3903. otpočet će se sa privremenim odlaganjem čvrstog otpada sa 01.09.2008. godine.

Ukoliko se pozitivno ne završi procedura odobravanja lokacije iz člana 2. ove Odluke, obavezuje se Općina Goražde da će deponovani otpad putem privrednog društva JKP „6. mart“ izmjestiti na drugu lokaciju.

Zabranjuje se odlaganje čvrstog otpada na deponiji u naselju Lug – Zupčići sa 01.09.2008. godine.

**Član 6.**

Deponija smeća je privremenog karaktera. Privremeni karakter deponije trajat će do izrade odgovarajuće studije i donošenja planova i propisa propisanih Zakonom o upravljanju otpadom („Službene novine F BiH“, broj: 33/03).

**Član 7.**

Sastavni dio ove Odluke je fotokopija katastarskog plana lokacije iz člana 2. sa označenim parcelama i trasom pristupnog puta.

**Član 8.**

Planirana sredstva za sanaciju postojeće deponije na lokaciji Zupčići sa ekonomskog koda 821226 „Sanacija deponije u Zupčićima“ usmjeriti kao dio sredstava za realizaciju ove Odluke.

**Član 9.**

Stupanjem na snagu ove Odluke prestaju da važe Odluka o obrazovanju gradske deponije krutog otpada br. 01-02-403 od 02.03.2004. godine i Odluka o pokretanju postupka za izgradnju sanitarne deponije čvrstog otpada u Goraždu br. 01-02-4652 od 05.11.2007. godine.



**Član 10.**

Ova Odluka stupa na snagu danom donošenja, a objavit će se u "Službenim novinama Općine Goražde".

Broj: 01-02-3635  
Goražde, 06.08.2008. god.

**PREDSJEDAVAJUĆI VIJEĆA**  
Smajo Baščelija, dipl.ing.maš.

**025**

Na osnovu člana 35. Statuta Općine Goražde ("Službene novine Bosansko-podrinjskog kantona Goražde", broj:13/07), Općinsko vijeće Općine Goražde, na 3. vanrednoj sjednici, održanoj dana 05.08.2008. donosi:

**ODLUKU**

o davanju na korištenje kamiona  
za prevoz smeća JKP „6. mart“ Goražde

**Član 1.**

Daje se na korištenje kamion za prevoz smeća marke „MAN“ tip 26.343 fabrički broj WMAE 530091 L 018431, godina proizvodnje 1999, JKP „6. mart“ Goražde na privremeno korištenje, do privatizacije pomenutog preduzeća, bez naknade.

**Član 2.**

Obavezuje se JKP „6. mart“ Goražde da vrši redovno održavanje vozila iz člana 1. ove Odluke, kao i vanredne popravke i isto održava u ispravnom stanju sve vrijeme korištenja.

**Član 3.**

Ovlašćuje se Načelnik Općine Goražde da zaključi ugovor sa JKP „6. mart“ Goražde kojim će regulisati bliža prava korištenja i održavanja motornog vozila iz člana 1. ove Odluke.

**Član 4.**

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj: 01-02-3636  
Goražde, 06.08.2008.god.

**PREDSJEDAVAJUĆI VIJEĆA**  
Smajo Baščelija, dipl.ing.maš.

**SADRŽAJ**

	<b>ODLUKA</b>	
016	o izmjeni Odluke o usvajanju Programa utroška novčanih sredstava planiranih u Budžetu Općine Goražde za 2008. godinu na poziciji Izdaci za vojne invalide, ranjene borce i porodice poginulih boraca (boračke populacije) – ekonomski kod 614-232	54
	<b>ODLUKA</b>	
017	o davanju saglasnosti na Program utroška sredstava iz Budžeta Općine Goražde za 2008. godinu, sa ekonomskog koda 821 383 – Nabavka opreme za CZ	55
	<b>ODLUKA</b>	
018	o prihvatanju ponuda građana Mjesne zajednice Bogušići	55
	<b>ODLUKA</b>	
019	o dopunama Odluke o jedinstvenom načinu ustupanja, korištenja i zaštiti poslovnih prostorija i zgrada u vlasništvu Općine Goražde	56
	<b>ODLUKA</b>	
020	o dodjeli kreditnih sredstava „DOMUS“ d.o.o. Goražde iz „Namjenskog depozita Općine Goražde u cilju bržeg zapošljavanja ili zadržavanja postojećih radnih mjesta na području Općine Goražde“	57
	<b>ODLUKA</b>	
021	o odobravanju finansijskih sredstava za jednokratnu pomoć za sanaciju šteta na poljoprivrednim kulturama	58
	<b>ODLUKA</b>	
022	o usvajanju Programa utroška sredstava sa kritrijima raspodjele za „Podsticaj poljoprivrednoj proizvodnji“ na području općine Goražde u 2008. godini	59
	<b>ODLUKA</b>	
023	o dodjeli javnih priznanja Općine Goražde	60
	<b>ODLUKA</b>	
024	o ustanovljavanju privremene gradske sanitarne deponije čvrstog komunalnog otpada za područje općine Goražde	60
	<b>ODLUKA</b>	
025	o davanju na korištenje kamiona za prevoz smetlja JKP „6. mart“ Goražde	62